



Pou Biblikasyon Imedya: 30/06/2023

GOUVÈNÈ KATHY HOCHUL

GOUVÈNÈ HOCHUL ANONSE YO ANILE FRÈ EGZAMEN POU FONKSYON PIBLIK YO KOUNYE A JISKA 2025

Yo anile frè egzamen pou fonksyon piblik Eta a pou ankouraje aksè ekitab nan karyè nan Gouvènman Eta a

Youn nan anpil efò ki te adopte nan Bidjè istorik ane fiskal 2024 la pou modènize mendèv piblik New York la

Gouvènè Kathy Hochul te anonse jodi a ke yo anile frè aplikasyon pou egzamen fonksyon piblik yo kounye a pou tout egzamen sèvis civil Eta New York yo, apati 1e jiyè 2023 jiska desanm 2025. Anilasyon frè pou tout egzamen Eta a se te youn nan plizyè aksyon ki enkli nan Bidjè 2024 la pou ede modènize mendèv piblik New York la.

"Pandan eta nou an ap kontinye ap lite ak yon kriz pri abòdab, frè egzamen fonksyon piblik yo mete yon lòt chay ankò sou do Nouyòkè yo - patikilyèman Nouyòkè pasyone yo k ap chèche karyè enpòtan nan sèvis eta a", **Gouvènè Hochul te deklare**. "Lè yo anile frè sa yo, administrasyon mwen an kenbe angajman li genyen pou modènize mendèv New York la ak diminye baryè yo pou asire ke fonksyonè civil nou yo reflete divèsite rich nan eta nou an."

Komisè Depatman Fonksyon Piblik Eta New York la (New York State Department of Civil Service), Timothy R. Hogues, te deklare, "Retire frè aplikasyon pou egzamen pou tout egzamen fonksyon piblik eta a se youn nan anpil etap two-aktif Eta New York ap franchi pou ede fè yon karyè nan fonksyon piblik la vin pi aksesib pou tout moun. Nan Depatman Fonksyon Piblik la, nou ap fè amelyrasyon pou elimine baryè pou antre nan djòb fonksyon piblik yo epi transfòme apwòch eta pou reponn ak bezwen mendèv nou an pou ede rekrite ak kenbe yon mendèv divès ak plen talan ki pral sèvi tout moun New York yo. Mwen ankouraje tout moun pou yo konsidere aplike pou egzamen ke nou kalifye pou yo pou kòmanse yon karyè ki bay anpil rekonpans ki ofri anpil avantaj avèk Eta New York".

Frè egzamen nan fonksyon piblik yo ka sèvi kòm yon gwo baryè pou antre nan sèvis piblik la, sitou pou kandida ki soti nan kominate ki tradisyonèlman majinalizeyo. Pandan ke egzonerasyon frè yo ki egziste deja pou veteran yo, ansan ak moun ki p ap travay

oswa k ap resevwa asistans piblik, majorite moun k ap fè tès yo dwe peye yon frè egzamen.

Anilasyon frè aplikasyon pou egzamen nan fonksyon piblik eta a se youn nan plizyè aksyon yo pran nan kad Bidjè ane fiskal 2024 la pou modènize mendèv piblik New York la ak rasyonalize operasyon gouvènman an yo. Aksyon adisyonèl yo enkli ofri egzamen nan fonksyon piblik sou yon baz kontinyèl nan 12 sant tès eta a yo ki pral etabli atravè eta a epi elaji pwogram anbochaj 55-B eta ki egziste deja a pou ogmante opòtinite travay pou moun ki andikape yo. Ansanm, aksyon sa yo reyafime angajman Gouvènè a pou fè gouvènman an fonksyone pi byen pou Nouyòkè yo.

Bidjè Ane Fiskal 2024 la bati sou plizyè inisyativ ki te anonse nan Diskou sou Sitiyasyon Eta 2023 Gouvènè Hochul la pou ranfòse mendèv piblik la ak operasyon gouvènman an yo. Gouvènè a te anonse deja kreyasyon pozisyon Espesyalis Sèvis Sivil nan Sant Karyè Depatman Travay la pou sèvi kòm lyezon ant moun k ap chèche travay yo ak Depatman Sèvis Sivil la, ansanm ak lòt ajans eta yo, pou ede kandida yo pi byen navige Sistèm Merit Sèvis Sivil la epi bay yo pi gwo sipò pou navige nan opòtinite travay ki disponib yo atravè gouvènman eta a. Gouvènè a te anonse tou yon kanpay maketing ki gen plizyè aspè pou sansibilize anpil karyè divèsifye ki disponib atravè sèvis piblik la ak avantaj travay inik nan Eta New York.

Gouvènè [te anonse dènyèman](#) tou plizyè milye travay eta a ki ouvri ak ki disponib pou anbochaj imedyat nan domèn sante ak sèvis sosyal atravè dis ajans eta a kòm yon pati nan Pwogram Anbochaj pou Plasman Limite pou ljans nan yon efò pou fè fas a mank mendèv nan tout eta a nan tit kritik sante ak sekirite atravè gouvènman eta a.

Pou aprann plis sou kijan pou travay pou Eta New York ak kijan pou franch pwochen etap pou fè yon karyè ki gratifyan nan sèvis piblik, tanpri vizite [sitwèb Depatman Sèvis Sivil](#) la epi swiv Depatman an sou [Facebook](#), [Twitter](#), ak [LinkedIn](#).

###